

Mixe God's Simple Plan

El Nuevo Testamento

Com nidüg'óciy naaxhuiñyäjy ti ytuundigooygixy. Ni tüg jäy yhuädz'ajtin ycanaybadyii miid Dios yhuädz'ajtin y'oy'ajtin. Romanos 3:23

Yi pocyunii ycoju'ñ yi je' yi o'cin. Per je huidibi Dios xyñimooyim, hue' je' je jugy'ajtin huidibi ni caminaxii ycixipy ytigoyipy co n'ijtim miid ajt nHuindzin Jesucristo. Romanos 6:23

Miid co Dios miich ajcxy ti xychojccixy ti xyjihuiygixy, paady ycixp yi m'alma ajcxy ti patcixy nïdzoocin co ti mmibijccixy Jesucristo. Ca' nminaanim co tijaty ti mdungixy, paady ycixp yi m'alma ajcxy ti patcixy nïdzoocin. Hue' janchtiy Dios ti xymooygixy ninigoob ajcxy m'alma nïdzoocin. Ca' nminaanim huin'it jäy ajcxy y'alma nïzoocin paadip co oybi tungixy. Hue' janchtiy Dios jadu'n ci'm ti yaj'oyiy ninigoob nej jäy ajcxy jëbi patcixy y'alma nïdzoocin, jigix ca' pin jëbi huaad amij agix ñayjihuiy. Efesios 2:8-9

Per je yajcogüejtpi jiguem ytinay'ahuiy, ni ycapät'ixy tzajpcijx, jëyi ycaachtzachcoxy ymina'ñ: "Dios Teedy, pa'ayoogich, iich pocyjäyich." San Lucas 18:13

Ooy mijcajee Dios tzocy jihuiy yi naaxhuiñyäjy co yecy y'ung tügpajcpi miid jäy ajcxy ypocy ycixpi. Paady pinjaty mibijcp mijpidacp yi' y'ung, ca' yjugy'ajtin ycixipy ytigoyipy tücci'yi. Hue' janchtiy y'alma ypaadipy tüg jugy'ajtin huidibi ca' ni mina ycixipy ytigoyipy. Dios ca' quejxy y'ung ya naaxhuñ co tzaachytunipy yi naaxhuiñyäjy ajcxy miid ypocy ycixpi. Paady y'ung quejxy co yajpocyñihuáatzcixipy. San Juan 3:16-17

Tüg'óciy tzaachypi ayo'n, jot'ijxin huinma'ñ'ijxin huidibi miich ajcxy mminajxyp myajnaxyp, nañ jadu'n jacjadyii mibijcpidijc ajcxy minajxcixy yajnaxxcixy. Per yajmij'ajtcix jot'amij'ajtcix Dios, com Dios ca' a'ixi'huip co mjacminájxcixipy mjacyajnájxcixipy tzaachypi ayo'n anaxy huidibi ca' ajcxy mmimadäga'ñ. Co anajty tzaachypi ayo'n mminajxcixy myajnaxxcixy mictägy, huin'it Dios xymöhuipy ajcxy huinma'ñ jadu'n nej jëbi mminaxtaygixy myajnaxtaygixy yi tzaachypi ayo'n. 1 Corintios 10:13

Janch nejhuiybich tiydudägy co Dios xychojcm xyjihuiyim. Ca' ji ni pin jëbi huaad xypijc-huäcxim ma Dios chójcin, oy ixipy nja'o'cim; oy ixipy njajugy-'ajtim; oy ixipy xymidzip'ajtim ángel ajcxy etz jacjadyii huidibi mic'ajt miid jilby tzajpjoty. Ca' ajcxy jëbi huaad xypijc-huäcxim ma Dios, ni ti huidibi ji ijtp cham, ni je huidibi mimb cidacp, ni yi jëbi xycapijc-huäcxim ma Dios chojcin. Ajt nHuindzin Jesucristo ti xyajnejhuiyim jadu'n nej Dios xchojcm xyjihuiyim co y'o'cy ma yi cruudz miid ajt nbocy ycixpi. Romanos 8:38-39

Yi judójäy ajcxy ca' huinjihuiygixy co je Cristo y'oy ya naaxhuiñ, e chi yajtigooyi Dios ycötujcin ymic'ajt huidibi Moisés yjay, jigix jëbi tüg'óciy jäy pinjaty mijpidacp Cristo ytiy'ajt, huin'it ajcxy paadip tudägy'ajtin. Moisés yjayhui'm ma jadu'n ymina'ñ: "Je pinjaty

cuydumb je Dios ytiy'ajt, jim mic'ajt paadipy miid chinaayin ycixpi." Romanos 10:4-5

Com jadu'n jaybety y'ity ma Dios ñecy ma Dios jadu'n ymina'ñ: Co je xii tiempo ti patni, ti iich miich m'ayuc midoohui. Ti nbubety nbudigiyich je huin'it xii je huin'it tiempo co ti yhuaad'aty mina jäy ajcxy y'alma ñidzögipy. Jadachambi xii tiempo ti yhuaad'ajtni mina jëbi Dios xyñidzoocim ajt n'alma. 2 Corintios 6:2

Co je mayjäy ajcxy jadu'n midoy, chi ajcxy yjotyungiiy, e amidoy ajcxy je Pedro etz jacjadyii jäy huidi Jesús y'ayuc capxhuäcxi anajty, chi ajcxy ymina'ñ: --Migügtijc, ¿ti iich ajcxy jëbi huaad nduñ? Huin'it Pedro y'adzooy: --Jothuimbijtcix e niibejtcix nidüg nidüg miid Jesucristo yxii, jigix Dios miich ajcxy mbocy xyhuinmeecxipy. E jadu'n Dios xymöhuipy je Espíritu Santo. Hechos 2:37-38

Miid'ajtcix jemybi jot jemybi huinma'ñ com Dios ti yajtigajch huinjemy ajcxy mjot mhuinma'ñ miid tudägy'ajtin etz huädz'ajtin. Efesios 4:24

Com jadu'n jaybety miiñ ma Dios ñecy ma jadu'n ymina'ñ: Ca' ji ni tüg jäy tudäcpy, ni tüg. Romanos 3:10

Miid jada ycixpi co yi pocytunii chondacy jecy'ajty ya naaxhuiñ miid tügpi jäy. E co jäy ytundigoy o'gan miid Dios, paady ycixpi je o'cin ytigiiy ya naaxhuiñ. Miid co tüg'óciy jäy midundigooygixy Dios, paady tüg'óciy jäy patcixy yi o'cin. Romanos 5:12

Jecy'ajty co anajty ca'ni Jesucristo ymiñ, je naaxhuñyjäy ca' anajty mic'ajt miidity nej ci'm y'ahuimbijtcixipy tudägy. Co yhuaad'ajtni je xii je tiempo huidibi Dios ti yaj'ixtägy, huin'it Cristo y'o'cy miid iich ajt nbocy ycixpi miid co ndigooyim miid Dios ytiy'ajt. Romanos 5:6

Per Dios yajniquëxícyp jadu'n nej xychojcm xyjihuiyim mijcajee co quejxy Cristo huen o'cy miid ajt nbocy ycixpi, oy anajty iich ajt ooy njacpocytuunim. Romanos 5:8

Per Jesucristo ti paady ma Dios yi' yjihui'ñ ymic'ajt. Co Dios yajjugypijcy y'ung ma anaajty ti y'ögy miid yjihui'ñ ymic'ajt, chi ti yajnejhuiy anajty je naaxhuñyjäy co Jesucristo hue' je' Dios y'ung, huidibi miid huädz yjot huädz yhuinma'ñ, etz nañ ymiid Dios yjihui'ñ ymic'ajt. Romanos 1:4

Nejhuiyim co Cristo ti yjugypijcy co y'o'cy, e ca' yi' y'öga'ñ jadüg'oc. Yi o'cin ca' ti mic'ajt jacmiidity ma Jesucristo. Romanos 6:9

Pen miich mgapxypidzimyb mayjäy agujc co miich ajcxy Jesús mHuindzin'adyii, etz mmibijcipy ajcxy ma mjot mhuinma'ñ co Dios ti yajjugypijcy Jesús co y'o'cy, huin'it m'alma paadip ñidzoocin ma Dios. Romanos 10:9

Com jadu'n jaybety ymiiñ ma Dios ñecy, ma jadu'n ymina'ñ": "Nidüg'óciy jäy pinjaty Dios mibijctzooob miid Huindzin Jesucristo yxii, yi ajcxy y'alma paadip ñidzoocin." Romanos 10:13

Janch nejhuiybich tiydudägy co Dios xychojcm xyjihuiyim. Ca' ji ni pin jëbi huaad xypjc-huäcxim ma Dios chójcin, oy ixypy nja'o'cim; oy ixypy njajugy-'ajtim; oy ixypy xymidzip'ajtim ángel ajcxy etz jacjadyii huidibi mic'ajt miid jiiby tzajpjoty. Ca' ajcxy jëbi huaad xypjc-huäcxim ma Dios, ni ti huidibi ji ijtp cham, ni je huidibi mimb cidacp, ni yi' jëbi xycapjc-huäcxim ma Dios chojcin. Ajt nHuindzin Jesucristo ti xyajnejhuiyim jadu'n nej Dios xchojcm xyjihuiyim co y'o'cy ma yi cruudz miid ajt nbocy ycixpi. Romanos 8:38-39